

Net máli

Rekstur

Skilmálar:	C3
Útgáfa:	1.0
Dags:	28.12.2004

C.3 Skilmálar um öflun og uppgjör vegna varaafls

0. Breytingar frá fyrri útgáfu

Hér er um frumútgáfu að ræða.

1. Inngangur

- 1.1 Skilmálar þessir eru settir á grundvelli raforkulaga nr. 65/2003 með síðari breytingum, og reglugerðum nr. 511/2003 um framkvæmd raforkulaga með síðari breytingum, nr. 1050/2004 um raforkuviðskipti og mælingar, og nr. 513/2003 um kerfisstjórnun í raforkukerfinu.
- 1.2 Skilmálar þessir hafa verið staðfestir af ráðherra sbr. 6 mgr. 9. gr raforkulaga.

2. Skilgreiningar

Eftirfarandi skilgreiningar gilda fyrir skilmála þessa:

- 2.1 *Varaafli* er það afl sem Landsnet grípur til tímabundið vegna rekstrartruflunar í flutningskerfinu.
- 2.2 *Rekstrartruflun* er sjálfvirk útleysing, handvirkt rof sem ekki er áætlað eða misheppnuð innsetning eftir bilun í raforkukerfinu.
- 2.3 *Varastöð* er virkjun sem einungis vinnur raforku tímabundið vegna rekstrartruflana eða skipulags viðhalds í flutningskerfinu.
- 2.4 *Varaafsseljandi* er rekstraraðili einnar eða fleiri varastöðvar.
- 2.5 *Varaafssamningur* er samningur milli Landsnets og varaafsseljanda sem tryggir Landsneti aðgang að varastöðvun varaafsseljanda.
- 2.6 *Vinnslufyrirtæki* er fyrirtæki sem stundar vinnslu á raforku eða hefur fengið virkjunarleyfi.

3. Almennt

- 3.1 Landsnet sinnir lögboðinni skyldu sinni um að tryggja öryggi og gæði við raforkuafhendingu, meðal annars með varaafssamningum við varaafsseljendur þess efnis að þeir tryggi aðgengi Landsnets að ákveðnum varastöðvum. Í þessum samningum er tekið fram hversu mikið varafli skuli tiltækt í hverri stöðvanna allt árið um kring og verð fyrir aðgengið.
- 3.2 Landsnet metur árlega á grundvelli ástands flutningskerfisins hvaða varastöðvar gerður er varaafssamningur um. Ákvörðun Landsnets um slíka samningsgerð skal byggð á málefnalegum og hlutlægum sjónarmiðum.



4. Tæknilegar kröfur til samningsbundinna varastöðva

- 4.1 Varaflsseljandi skal tryggja að varastöð í hans umsjá hafi á hverjum tíma aðgengilegt það varaafli sem um hefur verið samið við Landsnet. Enn fremur skal varaflsseljandi tryggja að hans varastöðvar séu tengdar raforkukerfinu og komnar í fullan rekstur innan einnar klukkustundar frá því að boð um vinnslu koma frá stjórnstöð Landsnets.
- 4.2 Varaflsseljandi skal tryggja að varastöðvar hans geti framleitt umsamið afl samfleytt í að lágmarki 36 klst.
- 4.3 Ef taka þarf varastöð úr rekstri, t.d. vegna viðhalds, ber viðkomandi varaflsseljanda að sækja um það til stjórnstöðvar Landsnets með minnst 1 viku fyrirvara. Landsneti er heimilt að ákveða í samráði við varaflsseljandann annan tíma til viðhalds en sótt er um.
- 4.4 Ef varastöð er ekki tiltæk vegna bilunar eða annarra ófyrirséðra atvika, ber viðkomandi varaflsseljanda að upplýsa stjórnstöð Landsnets um það eins fljótt og unnt er. Varaflsseljandinn skal einnig gera ráðstafanir svo fljótt sem unnt er til að lagfæra bilunina og gera varastöðina tiltæka.

5. Notkun varaafis vegna flutningskerfisins

- 5.1 Landsnet tekur ákvörðun um vinnslu varastöðva þegar þörf er á vegna rekstrartruflana eða vegna viðhalds í flutningskerfinu.

6. Notkun varaafis vegna rekstrartruflana í virkjunum

- 6.1 Falli virkjun út mun Landsnet svo fljótt sem auðið er útvega varaafli, ef þörf er á í allt að 36 klukkustundir. Í undantekningartilvikum getur vinnsluaðili samið um útvegum varaafis í lengri tíma en 36 klukkustundir. Ekki er tryggt að varaaflið komi að öllu leyti í stað vinnslu virkjunarinnar.
- 6.2 Það varaafli sem Landsnet útvegar í þessum tilgangi er takmarkað við það varaafli sem Landsnet hefur til umráða á hverjum tíma að frádregnu því sem þegar er nýtt þá stundina vegna flutningskerfisins.

7. Ákvörðun varaafiskostnaðar aðila

- 7.1 Landsnet greiðir varaflsseljendum samkvæmt varaafssamningi fyrir að varastöðvar séu tiltækar.
- 7.2 Kostnaður við vinnslu varastöðva vegna viðhaldsaðgerða í flutningskerfinu og í dreifikerfi skiptist milli aðila samkvæmt nánara samkomulagi.
- 7.3 Sé gripið til varaafis vegna rekstrartruflana sem urðu af ásetningi eða stórkostlegu gáleysi að hálfu Landsnets skal kostnaður vegna vinnslu varastöðva greiðast af Landsneti.
- 7.4 Sé gripið til varaafis á svæði tiltekinna dreifiveitu vegna rekstrartruflana sem flokkast ekki undir tilvik nefnd í gr. 7.3, svo sem vegna veðurs, náttúruhamfara eða af völdum þriðja aðila, skal tilheyrandi kostnaður vegna vinnslu varastöðva greiðast af viðkomandi dreifiveitu.
- 7.5 Varafiskostnaður vegna brottfalls virkjunar fyrstu 36 klukkustundir er innheimtur samkvæmt reglum um uppgjör jöfnunarorku.
- 7.6 Vinnsla varaafis í lengri tíma en 36 klukkustundir samkvæmt ósk ákveðins vinnslufyrirtækis vegna brottfalls virkjunar, er á kostnað vinnslufyrirtækisins og er sá kostnaður á varaafli sem Landsneti er gert að greiða sbr. gr. 8.1.

8. Uppgjör varaafis

- 8.1 Landsnet gerir upp og greiðir varaafissseljendum kostnað vegna varaafis og sér um innheimtu á kostnaði vegna vinnslu varastöðva, sbr. gr. 7.3 - 7.4. Landsnet greiðir varaafissseljendum samkvæmt reikningi þeirra, enda séu þeir byggðir á raunkostnaði. Landsnet áskilur sér rétt til að gera athugasemdir og krefjast leiðréttingar á reikningum.
- 8.2 Uppgjör varaafis skal gert mánaðarlega. Landsnet skal senda upplýsingar um greiðsluskyldu eða inneign til aðila í síðasta lagi 20 dögum eftir lok uppgjörstímabils og eindagi reiknings skal vera 10 dögum eftir útgáfudag. Ef reikningur vegna greiðsluskyldu er ekki greiddur á eindaga leggjast dráttarvextir við höfuðstól kröfunnar samkvæmt III. kafla laga nr. 38/2001 um vexti og verðtryggingu.
- 8.3 Frá því að aðili fær frá Landsneti reikning fyrir varaafli, eða tilkynningu um inneign vegna sölu varaafis, hefur hann 7 daga til að leggja fram athugasemdir vegna hugsanlegrar skekkju í uppgjóri.

9. Ábyrgð

- 9.1 Landsneti og varaafissseljanda er skylt að byggja og starfrækja mannvirki og halda þeim við í samræmi við starfshætti góðra og vandaðra rekstraraðila og lagfæra án tafar allar misfellur og galla, sem valda eða geta valdið áhættu fyrir hinn aðilann eða þriðja aðila.
- 9.2 Landsnet ber aðeins ábyrgð á tjóni sem hlýst af ásetningi eða stórkostlegu gáleysi Landsnets. Það er á ábyrgð tjónþola að gera viðeigandi ráðstafanir til að takmarka og koma í veg fyrir tjón. Misbrestur á slíkri ráðstöfun kann að takmarka þær skaðabætur sem tjónþoli kann að eiga rétt á.
- 9.3 Landsnet ber ekki ábyrgð vegna óbeins eða afleidds tjóns, t.d. vegna hagnaðarmissis, afnotamissis og hindrunar varaafissseljanda eða annarra á að fullnægja ekki skyldu gagnvart þriðja aðila.
- 9.4 Verði vanefnd varaafissseljanda á því að afhenda þá raforku sem hann hefur skuldbundið sig til að afhenda á grundvelli samnings um öflun og uppgjör vegna varaafis þess valdandi að Landsnet eða aðrir sem tengdir eru flutningskerfinu verða fyrir tjóni, ber varaafissseljandi ábyrgð á því tjóni nema sýnt sé framá að það hafi verið af orsökum sem hann hafði ekki vald á.
- 9.5 Landsnet er ekki ábyrgt vegna tjóns sem hlýst af rekstrartruflunum eða sem þriðji aðili veldur eða verður fyrir.

10. Óviðráðanleg öfl

- 10.1 Ákvæði almennra skilmála um flutning rafmagns og kerfisstjórnun varðandi óviðráðanleg öfl skulu einnig eiga við um öflun og uppgjör varaafis.

11. Brot á skilmálum

- 11.1 Ef varaafissseljandi vanrækir skyldur sínar samkvæmt skilmálum þessum, eða samningi um varaafi, getur Landsnet krafist úrbóta. Verði varaafissseljandi ekki við kröfum Landsnets um úrbætur er Landsneti heimilt að rifta varaafisssamningi án frekari viðvörunar eða óska eftir að Orkustofnun aðhafist á grundvelli VII. og VIII. kafla raforkulaga, sbr. einnig gr. 9.4.
- 11.2 Ef kaupandi varaafis vanrækir skyldur sínar samkvæmt skilmálum þessum er Landsneti heimilt að óska eftir að Orkustofnun aðhafist á grundvelli VII. og VIII. kafla raforkulaga.

12. Eftirlit og úrræði

- 12.1 Orkustofnun hefur eftirlit með því að fyrirtæki sem starfa á grundvelli raforkulaga nr. 65/2003 fullnægi þeim skilyrðum sem um starfsemina gilda samkvæmt lögum, reglugerðum og skilmálum þessum.
- 12.2 Komi upp ágreiningur um framkvæmd eða túlkun ákvæða þessara skilmála skal í þeim tilvikum þar sem Orkustofnun hefur úrskurðarvald á grundvelli VII. og VIII. kafla raforkulaga leita úrlausnar stofnunarinnar og úrskurðarnefndar raforkumála þar sem það á við. Heyri úrlausn ágreinings ekki undir Orkustofnun má vísa málinu til úrlausnar Héraðsdóms Reykjavíkur.

13. Tilvísanir og viðaukar

- 13.1 Varaaflossamningur
- 13.2 Almennir skilmálar um flutning rafmagns og kerfisstjórnun

Skilmálar þessir staðfestir og gilda fyrir tímabilið 1.1. - 31.12. 2005.

F.h. iðnaðarráðherra
28.12. 2004

